

73205/2331.7

19

CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY,
NOV 16 1941



江縣志卷之三十六

人物志

隱逸傳

元

木良實字子誠讀書好古隱居不仕以詩

文自號號自拙老人卒年八十餘所著

有松溪續集漁唱稿

江縣志卷之三十六

吳江縣志卷之二十六

哈佛大學漢和
圖書館珍藏印

人物志六

隱逸傳

元

朱良實字子誠讀書好古隱居不仕以詩
文自娛號百拙老人卒年八十餘所著
有松陵續集漁唱稿

顧諒字季友博通經史註儀禮書值元末

兵亂遂不求仕隱居陸巷結廬曰怡齋
自號癡叟

丁敏字異學博學好古爲時推重隱居吳
山之麓不樂仕進繞舍皆植梅笑傲其
下有詩集行世

大明

張壽字季璉家世以貲雄於鄉而壽獨輕
財好學構素心堂日吟詠其中州縣徵

辟皆不就卒葬陸墓山所著詩文號陶

菴集

蕭規字元則其先湘潭人國初徙吳江

初從釋氏已乃棄去就儒其學長於春

秋毛氏詩讀書樂道不求祿仕人稱竹

園先生所著有湖山樵寓集子二潭字

孟南舉進士終建始知縣湘字仲南舉

秀才終大理評事俱有文學

謝常字彥銘少與陶振同師楊維禎學識
該博著作醜麗尤長於四六洪武末舉
秀才 召見試丹鳳朝陽賦稱 旨
上欲官之辭疾不拜歸隱震澤之東溪卒
年八十三所著有桂軒稿東溪集

尹寬字孟容隱居不仕號江南布衣工詩
文與郡人杜瓊陳寬輩相並馳名所著
號易齋稿寬卒太守汝訥爲之詮次藏

十家

史鑑字明古年十二三爲四六近體語卽
驚人旣長搜羅群籍發爲文章雄深古
雅崛然成家尤深於水利不樂仕進隱
居穆溪之西一時 命使行部輒咨訪
以治道其言鑿鑿可行卒年六十三葬
西山博士塢所著有西村集西村雜言
小雅日抄禮疑禮纂凡若干卷

曹孚字顯若訓導謹玄孫也隱居不仕工
詩文善摹寫景物與同邑史鑑練塘凌
震諸人爲詩酒交互相唱和尤閑於禮
儀人有婚喪必質之而後行無不允當
所著有楓江集平望鎮志

材胥傳

大明

法思聰字彥明始爲吏德器溫雅恂恂如

儒生永樂中授瀘溪巡檢以捕盜功陞
中城兵馬副指揮遷南京南城兵馬指
揮嘗於課鈔中得金鐲二召其人還之
尋乞歸號思隱老人卒年七十六孫泰
見名臣傳

徐真字宗正正統中授麗水縣丞在任十
八年進階文林郎致仕真職董銀鉶而
歸囊罄懸人以是難之

藝術傳

宋

朱象先字景初善畫馳名元符間與蘇軾友善軾嘗題其畫云景初能文而不求舉善畫而不求售嘗自言曰文以達吾心畫以適吾意而已故其所作得之自然

大明

盛寅字啓東以字行逮之亦世工詩善醫

永樂間治內侍蠱症有奇效名聞于

上授御醫在 上前持論梗梗 上甚重

之扈從北征洪熙初 命掌太醫院

賜勅褒嘉宣德中嘗應 制賦瑞雪詩及

嘗與同官奕於御藥房 駕猝至不及

屏二人扣頭待罪 上命終局且令賦

觀奕詩明日有 御製之 賜弟宏字

叔大與寅齊名亦入爲御醫景泰初治
宮妃疾有效當進官不拜乞落其家戎
籍 詔許之尋乞致仕寅子俱孫愷俱
以醫世其家初寅醫得之王賓賓得之
戴元禮元禮得之丹溪朱彥修故其術
特精所著有流光集

盛倫字文叙寅從子也性明敏少傳寅醫
學又遇異人授堪輿家書尤精其術人

以疾求療及相地者門無虛日

陸復字明本善畫梅自號梅花主人嘗售
藝金陵用黃紙作招帖榜其門魏國公
出而見之訝其僭妄執至府中復對以
愚民不識忌諱因問何能對曰能寫梅
耳命畫於粉牆墻甚高大復染翰操管
頃刻而成遂貫其罪更加禮焉由是馳
名兩京

卷之二十六
善行傳
六
齊明字啓東善傳神得意時絲髮無不肖者

吳江縣志卷之二十六

吳江縣志

十七

人物志十

寓賢傳

唐

陸龜蒙字魯望王郡城人故相元方七世孫御史賓虞子也少高放通六經大義尤明春秋舉進上一不中往從湖州刺史張搏遊歷湖餘一州辟以自詡嘗至饒

州三日無所詣刺史蔡京率官屬就見之龜蒙不樂拂衣去居松江甫里多所論譔雖幽憂疾痛費無十日計不少輟也文成寘藁篋中或歷年不省爲好事者盜去得書熟誦乃錄讎比勤勤朱黃不去手所藏雖少其精皆可傳借人書篇帙壞舛必爲輯褫刊正樂聞人學講論不倦有田數十畝屋二十楹田苦下

雨潦則與江通故常苦饑身益重祿則無休時或譏其勞答曰堯舜徵瘠禹臍胝彼聖人也吾一褐衣敢不勤乎嗜茶買園顧渚山下歲取租茶自判品第張又新爲水說七種其二惠山泉三虎丘井六松江水人助其好者雖百里爲致之初病酒再期乃已其後客至潔壺盃不復飲不喜與流俗交造門不肯見不

乘馬升舟設蓬席齋束書茶竈筆牀釣
具徃來時號江湖散人或號天隨子南
里先生自比涪翁漁父江上丈人晚營
別業于震澤居焉初以高士召不至李
蔚盧携素與善及當國召拜左拾遺詔
方下而卒葬甫里光化中韋莊表龜蒙
及孟郊等十人皆贈右補闕龜蒙所著
有耒耜經笠澤叢書所編有松陵集其

詩文稿得於甫里祠堂神像腹中

宋

方滋字務德少寓應天寺建炎中歷浙西
提舉司幹官乾道中知紹興平江二府
范成大字志能吳縣人父雱字伯達入太
學聲譽翕然擢第入館除祕書郎成大
在懷抱中已識屏間字年十二徧讀經
史十四能文詞父亡讀書崑山薦嚴寺

十年不出取唐人只在此山中語自號
此山居士又慕元魯山爲人字已幼元
先友王葆勉之曰子之先君期爾祿仕
志不可違也課以舉業紹興中舉進士
授戶曹監和劑局隆興初纂類高宗朝
政除樞密院編修官遷正字乾道中陞
校書郎編修國史歷著作郎轉吏部郎
官言者論其超躡罷奉祠起知處州陞

對論力之所及者三曰日力曰國力曰
天力今蓋以虛文耗之上嘉納至州勸
義役作通濟堰民賴其利除禮部員外
郎兼崇政殿說書以文學材氣爲上所
知隆興再講和失定受書之禮右相虞
允文建議遣使遷成大起居郎假資政
大學士侍讀國公克金祈請國信使國
書專求陵寢乃汎使也上臨遣之曰卿

氣宇不群朕親加選擇聞外議洶洶宮
屬皆憚行成大對曰無故遣汎使近於
求釁不執則戮臣已立後仍區處家事
爲不還計心甚安之上愀然曰朕不敗
盟發兵何至害卿齧雪餐糞或有之不
欲明言恐負卿耳成大乞併載受書事
不從金廷使者慕成大名至求巾幘効
之成大知其法嚴附請決不可達一不

泄語二使不復疑至燕山夜蔽帷秉燭
密草奏具言他日北使至欲令親王受
書其辭云云懷之以入初進國書辭氣
慷慨金君臣方傾聽成大忽奏曰兩朝
旣爲叔姪而受書禮未稱昨嘗附完顏
仲李若川口陳久未得報臣有奏摺笏
出之金主大駭顧諄宣徽副使韓綱曰
有請當語館伴此豈獻書處邪厲聲令

綽起者再三成大不爲動再啓曰奏不
達歸必死寧死於此鋼復以笏導成大
拜成大跪之如初曰若奏達當下殿百
拜以謝時金廷紛然太子欲殺成大其
兄越王止之旣還館所金主遣伴使宣
旨取奏鋼押宴謂成大曰公早來殿上
甚心勤主上嘉歎可以激勸兩朝臣子
廷議方殷會夏國有任德敬者乃夏酋

外祖號任令再世用事謀纂事敗而疾
蜀宣撫司故嘗以蠟書通問爲夏人所
獲致之金主益怒成大朝辭遂令傳諭
詰之成大答以姦細之僞不可測退朝
而館伴持真書來印文皦然可識成大
笑曰御寶可僞况印文乎金人直其詞
遂不竟十月使還金國報書有抑聞附
請之辭欲變受書之禮出於不意要以

必從之語上由是知其忠勁有大用意
除中書舍人尋以集賢殿修撰知靜江
府除敷文閣待制四川制置使知成都
進敷文閣學士入對除權吏部尚書淳
熙中遷中大夫參知政事兩月爲言者
所論以資政殿學士知婺州奉祠而退
起知明州兼沿海制置使奏罷海物之
獻除端明殿學士尋擢江東安撫使兼

行宮畱守知建康府進資政殿學士起
知福州封吳郡開國侯再領洞霄宮紹
熙中加大學士知太平州尋納祿以歸
封吳國公明年卒官至通議大夫贈銀
青少師追封崇國公謚文穆成大天資
俊朗輔以博學爲文瞻麗清逸自成一
家尤工於詩四方傳誦自號石湖居士
嘗作亭于綺川泛舟長橋三高祠下所

吳郡志卷之二十一 宦賢傳
著石湖集百三十六卷使北有孽蠻
錄在廣有虞衡志出蜀有吳船錄家居
時與郡士龔頤周南滕宓米緝郡事為
吳郡志五十卷

黃由字子由長洲人弱冠有聲太學淳熙
八年廷對時甘昇為入內押班見知用
事二十年招權市賄與曾覲王抃相盤
結由對策及之遂舉進士第一吳自有

科目以來由始冠多士時人榮之授南
安軍簽判秩滿通判紹興府往新嵒督
行荒政由改糶為賑擅發米五萬石予
民不取其直除正字遷著作佐郎使金
還遷將作監嘉王府贊讀紹熙五年孝
宗疾亟光宗不能視疾人情益懼由請
嘉王過重華宮問安孝宗為之感動寧
宗卽位累除權禮部尚書兼吏部將大

用之會知綿州王沆朝辭乞詔廟堂銓
選若嘗受僞學薦舉陞改及衆論指爲
僞黨者籍記姓名且與勿用由入奏謂
人主不可待天下以黨與不必置籍以
示不廣繼擢沆利路轉運判官由亦出
知成都張巖奏由阿附權臣植立黨與
遂以雜學士奉祠嘉定初以正議大夫
知紹興府浙東安撫使聞岷縣昔有虎

患訛言謂虎歲久有神變化叵測或爲
僧形或爲猿狙儵忽莫可蹤跡由禱於
神懸厚賞募人捕之殄滅無遺種民賴
以安三年除刑部尚書兼直學士院官
至正奉大夫置別業于邑中學宮之左
扁曰盤野自號盤野居士賦詩有纔到
松陵卽是家之句卒贈少師

元

倪瓚字元鎮號雲林生無錫人詩畫清絕
爲世所珍至正間避兵邑中寓同里鎮
及華嚴寺邑中士大夫爭延致之見俗子
輒避去不顧

楊維禎字廉夫會稽人泰定中舉進士官
至待制至正中避兵華嚴寺入我
大明膺薦修禮樂書不仕而歸號鐵崖既
得鐵笛號鐵笛道人維禎天才逸邁文

辭閔放名高天下邑人陶振謝常輩皆
其門生云

大明

姚廣孝長洲人初爲僧名道衍字斯道居
相城妙智菴時相城靈應觀道士席應
真者讀書學道兼通兵家言尤深於機
事廣孝從之執弟子禮於是盡得其學
然深自退藏人無知者其友王行獨深

知之曰他日必當有所遇固不得以人
廢言也歷居邑中華嚴寺慧日懺院洪
武中以高僧薦選侍 成祖于燕邸深
見親信與密謀永樂中以靖難功進官
太子少師復姓 賜今名擬於元之劉
秉忠卒贈榮國公謚恭靖配享 廟廷
初靖難之功廣孝第一事定未嘗自言
成祖屢欲官之輒辭一日召見令人潛以

冠服被體亟命宣謝不得已受 命終
不蓄髮娶妻所居多在僧寺然 成祖
眷禮彌篤每稱少師而不名及病 駕
幸其第問後事對曰出家人復何所戀
強之終無言 成祖念其功特官其養
子姚繼爲尚寶少卿廣孝博通內外典
亦工文詞所著有逃虛子集別有道餘
錄則專詆程朱其友張洪嘗云少師於

我厚今死矣無以報之但見道餘錄輒
為焚棄

僊釋傳

宋

陳昉慶曆間為縣吏掌刑獄以廉謹惠愛
著稱不畜妻子惟一女婢給使令昉性
好魚每食必以二魚為餉一日餉至而
昉適他出同舍吏戲竊其一置舍蓆上

昉歸以為婢剋其一而食之也怒而杖
之時向暑舍蓆生蛆落儿上昉視之乃
魚腐也始悟婢冤歎曰此小事尚爾冤
抑况吾為吏決大事能無冤耶遂辭役
作詩云二十餘年作吏人後園花木也
成林盡是筆頭那撚得枝枝葉葉有冤
聲刑重惟恐囚人怨情輕又怕本官嗔
不如無事早歸去免得生魂對死魂乃

別親友從縣前運河洞中而去洞甚深
黑相傳通太湖上聞浪聲行七十里可
出洞庭山後數年有道士沽飲肆中將
別畱一壺爲贈曰以此償酒價貯酒當
佳旣去忽見酒旗上題云昔年陳昉登
仙處酒味松陵第一家主人驚異其事
取壺貯酒則香冽異常自是沽者群集
其家因而致富始知昉已仙矣因名其

洞曰仙人洞橋曰仙里橋云 大明嘉
靖間知縣張明道作亭其上曰仙迹亭
真仙傳亦載昉事言其放魚得報踏石
上昇與此不同郡志因之殊誕妄不足
信也

德一高僧也初爲金人所擒遁居卓墓結
草菴以居歲伏日煮茗施路人人未之
奇也旣卒從火葬其徒法才於烈火中

得所持珠數枚人始驚異名其菴曰留珠

大明

胡道安字安谷性狂顛人呼胡風子爲玄妙觀道士晚遇至人授青城太乙雷書及斬勘魃魔秘旨洪武末吳中秋旱郡守延道安致禱道安登壇醉酒詆罵髮衝冠令下陰雲四合雷雨大作甚

敬之

吳江縣志卷之二十七

